



جدوال قمبراچان خطبه جمعة سيري 4/ 2022

(Bulan April 2022)

ب	تاجوق	تاريخ
1.	قرسياقن برتمو فيستا عبادة	1.4.2022M/ 29 Syaaban 1443H
2.	هوتغ (انتارا دوسا دان فاهلا)	8.4.2022M/ 6 Ramadhan 1443H
3.	نزول القرآن: تيتيق برمولاڻ قرومين	15.4.2022M/ 13 Ramadhan 1443H
4.	مرايه كنجرن برکندا	22.4.2022M/ 20 Ramadhan 1443H
5.	رمضان منمتکن قرهماءن ديري	29.4.2022M/ 27 Ramadhan 1443H
	خطبه کدوا	

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





RAMADAN MENAMATKAN PERHAMBAAAN DIRI

(29 April 2022M / 27 Ramadhan 1443H)

الْحَمْدُ لِلَّهِ الَّذِي أَشْرَفَ قَوَاعِدَ الْإِسْلَامِ الْمَشْرِقَةِ بِنُورِ الصَّيَامِ وَالْقِيَامِ، أَنْزَلَ فِيهِ كِتَابَهُ، وَفَتَحَ فِيهِ لِلتَّائِبِينَ أَبْوَابَهُ، وَأَوْجَبَ فِيهِ لِلْعَالَمِينَ ثَوَابَهُ، فَلَا دُعَاءَ فِيهِ إِلَّا مَسْمُوعٌ، وَلَا عَمَلٌ فِيهِ إِلَّا مَرْفُوعٌ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، أَلَمَلِكُ الْحَقِّ الْمُبِينُ، الَّذِي فَضَّلَ نَبِيَّنَا مُحَمَّدًا عَلَى جَمِيعِ الْأَنْبِيَاءِ وَالْمُرْسَلِينَ، وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ أَفْضَلُ الْخَلْقِ أَجْمَعِينَ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ الْأَمِينِ، وَعَلَى آلِهِ وَصَحْبِهِ الطَّيِّبِينَ الطَّاهِرِينَ، وَعَلَى التَّابِعِينَ لَهُمْ بِإِحْسَانٍ إِلَى يَوْمِ الدِّينِ. أَوْصِيَكُمْ وَنَفْسِي بِتَقْوَى اللَّهِ تَعَالَى، اتَّقُوا اللَّهَ حَقَّ تَقَاتِهِ، فَقَدْ قَالَ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ وَلْتَنْظُرْ نَفْسٌ مَّا قَدَّمَتْ لِغَدٍ وَاتَّقُوا اللَّهَ إِنَّ اللَّهَ خَبِيرٌ بِمَا تَعْمَلُونَ ﴿١٨﴾

SIDANG JUMAAT YANG DIRAHMATI ALLAH,

Wahai umat manusia, bertakwalah sekalian kamu kepada Allah dengan sebenar-benar takwa. Dan janganlah kamu mati melainkan dalam keadaan Islam. Semoga kita semua berada dalam lindungan kasih sayang dan rahmat daripada Allah سُبْحَانَهُ وَتَعَالَى.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih



ganjaran pahala. Mimbar pada hari ini akan membicarakan khutbah bertajuk
“Ramadan Menamatkan Perhambaan Diri.”

MUSLIMIN YANG DIMULIAKAN ALLAH **سُبْحَانَهُ وَتَعَالَى**

Sedar atau tidak sedar, kini kita sudah berada di penghujung Ramadan. Ayuh kita muhasabah sejenak, apakah ibadah puasa yang telah kita lakukan selama hampir sebulan ini diterima oleh Allah ataupun sebaliknya? Apakah kita masih melakukan perkara-perkara yang mencacatkan ibadah puasa? Apakah puasa kita layak diberi ganjaran pahala oleh Allah atau kita hanya mendapat lapar dan dahaga sahaja?

Sesungguhnya hanya diri kita sendiri yang dapat menilai kualiti ibadah puasa yang telah kita lakukan. Ini kerana ibadah puasa adalah rahsia antara seorang hamba dengan Tuhannya. Dari Abi Hurairah **رَضِيَ اللَّهُ عَنْهُ** Rasulullah **صَلَّى اللَّهُ عَلَيْهِ وَسَلَّمَ** bersabda: Firman Allah **عَزَّ وَجَلَّ**:

كُلُّ عَمَلِ ابْنِ آدَمَ لَهُ إِلَّا الصِّيَامَ، فَإِنَّهُ لِي وَأَنَا أَجْزِي بِهِ

Maksudnya: “Semua amal anak Adam untuknya kecuali puasa. Ia untuk-Ku dan Aku yang akan membalasnya. (Hadis Riwayat al-Bukhari dan Muslim)

SIDANG JEMAAH YANG DIRAHMATI ALLAH,

Khatib ingin membuat satu kiasan atau analogi seperti berikut. Ada sebuah pasar raya membuat tawaran istimewa. Beli satu dapat 10, jalan raya dilapangkan dan lampu isyarat semua dihijaukan agar segala kemudahan diberi untuk kita pergi mendapatkan tawaran ini. Namun kita memilih untuk mengambil sikap tidak peduli. Ini bermakna kita memang tidak berminat sungguh dengan apa yang ditawarkan oleh pasar raya tersebut.

Demikianlah juga halnya dengan Ramadan, lebih-lebih lagi di 10 hari terakhir ini.



Pintu syurga sudah dibuka, pintu neraka dikunci, malah Syaitan dirantai agar lemah keupayaan dalam mengganggu manusia, segala gandaan pahala diberi dan segala galakan kebaikan ditawarkan, tiba-tiba kita langsung tidak tertarik untuk mendapatkannya, apakah maknanya? Barangkali ada sebahagian kita yang memang tidak peduli dengan Allah, tidak berminat dengan tawaran-Nya, tidak kisah dengan syurga dan tidak pernah gerun dengan neraka.

Maka sesungguhnya orang ini benar-benar tidak mendapat sebarang rahmat daripada Allah **سُبْحَانَهُ وَتَعَالَى**. Semoga Allah melindungi kita daripada kedegilan dan kesombongan yang membinasakan itu.

SIDANG JUMAAT SEKALIAN,

Apakah sebenarnya yang ada pada ibadah puasa di bulan Ramadan, sehingga ia dijanjikan dengan sebuah kehebatan?

Jika seorang itu tidak makan kerana tiada makanan, keadaan itu tidak akan mendidik dirinya dengan sebarang nilai pendidikan. Jika seseorang itu tidak minum kerana tiada minuman, keadaan itu tidak akan melatihnya dengan sebarang nilai latihan. Tetapi jika seseorang itu ada segalanya untuk dimakan dan diminum, namun memilih untuk tidak menikmatinya kerana mahu mematuhi perintah Allah **سُبْحَانَهُ وَتَعَالَى**, maka di situlah datangnya nilai tarbiyah.

Kita belajar untuk berkata TIDAK, kepada sesetengah keinginan dan kemahuan diri, kerana mahu mentaati Allah, itulah sebuah latihan. Ramadan melatih kita untuk memiliki kekuatan mengawal keinginan dan kemahuan, supaya kita tidak terus terbelenggu menjadi hamba kepada hawa nafsu dan diri sendiri. Tidakkah kita ingat, kepada peringatan Allah dalam surah **الجاثية** ayat 23:

أَفَرَأَيْتَ مَنِ اتَّخَذَ إِلَهَهُ هَوَاهُ وَأَضَلَّهُ اللَّهُ عَلَىٰ عِلْمٍ وَخَتَمَ عَلَىٰ سَمْعِهِ وَقَلْبِهِ وَجَعَلَ
عَلَىٰ بَصَرِهِ غِشًّا فَمَنْ يَهْدِيهِ مِنْ بَعْدِ اللَّهِ أَفَلَا تَذَكَّرُونَ ﴿٢٣﴾

*Maksudnya: “Apakah engkau tidak melihat gelagat orang yang menjadikan hawa nafsunya Tuhan yang disembah? Lalu dia disesatkan oleh Allah dalam keadaan dirinya berilmu dan mengunci pula atas pendengarannya dan hatinya, serta diadakan lapisan penutup atas penglihatannya? Maka siapakah lagi yang dapat memberi hidayah petunjuk kepadanya sesudah Allah?
Oleh itu, mengapa tidak ingat dan insaf?”*

Alangkah besarnya bencana manusia seperti ini.

HADIRIN YANG DIMULIAKAN ALLAH,

Kita semua menyedari bahawa pada waktu dan saat begini, kemeriahan menyambut awal Syawal semakin dirasai. Masing-masing sudah mula merancang perjalanan untuk pulang ke kampung¹ atau membuat persiapan menyambut hari lebaran. Sememangnya agama Islam tidak melarang kita membuat persediaan bagi memeriahkan sambutan hari raya. Ini kerana hari raya adalah hari kemenangan kita umat Islam melaksanakan rukun Islam ketiga dan berjaya menumpaskan hawa nafsu dan godaan syaitan.

Namun kita diberi peringatan agar jangan mengabaikan nilai dan roh Ramadan sehingga seolah-olah ibadah puasa yang kita kerjakan langsung tidak memberi kesan yang baik kepada diri kita. Sewajarnya solat terawih yang dilaksanakan setiap malam Ramadan dapat membiasakan kita mengamalkan solat-solat sunat yang lain. Kesabaran menahan lapar dan dahaga sepanjang siang Ramadan juga sewajarnya menjadikan diri kita lebih sabar menjalani liku-liku kehidupan.

Latihan kesabaran tersebut dapat membuang sikap panas baran, gopoh-gapah dan mementingkan diri sendiri yang mungkin menjadi kebiasaan kita sebelum ini. Jika dicela, dimaki hamun atau diperbodohkan, jangan dibalas provokasi itu, sebaliknya kawallah diri dan nyatakan, “aku berpuasa.”

Begitu juga berpuasa akan dapat mengembalikan kesihatan tubuh badan yang mungkin sebelum ini kita tidak sempat mengambil perhatian.

¹ Sekiranya S.O.P terkini membenarkan



Ini adalah nilai-nilai murni yang sepatutnya dihasilkan dari madrasah Ramadan. Sekiranya roh Ramadan benar-benar dihayati, pastinya bakal melahirkan graduan yang mampu mengawal diri dan nafsunya. Ini bersesuaian dengan sabda Rasulullah ﷺ:-

عَنْ أَبِي هُرَيْرَةَ رَضِيَ اللَّهُ عَنْهُ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ:
لَيْسَ الشَّدِيدُ بِالصُّرْعَةِ؛ إِنَّمَا الشَّدِيدُ الَّذِي يَمْلِكُ نَفْسَهُ عِنْدَ الْغَضَبِ

Maksudnya: “Bukanlah dikatakan gagah itu orang yang kuat bergusti. Akan tetapi yang dikatakan gagah itu ialah orang yang dapat memiliki (mengawal) dirinya ketika marah.” (Mutafaqun ‘alaih)

Rasulullah ﷺ menegaskan bahawa, kegagahan sebenar adalah pada keupayaan seseorang itu mengawal dirinya, terutamanya ketika marah. Seorang jutawan yang mampu membeli apa sahaja, gagal menyelamatkan perniagaannya apabila hilang pertimbangan ketika marah. Manusia yang mampu mengawal diri dari terbakar disambar api kemarahan, itulah manusia yang gagah.

SIDANG JUMAAT SEKALIAN,

Sesungguhnya masih belum terlewat untuk kita kembali memanfaatkan bulan Ramadan ini dengan mengamalkan amalan-amalan berikut :

1. Berusaha mendapat kelebihan Lailatul Qadar dan keberkatan-Nya terutama pada malam sepuluh terakhir Ramadan.
2. Sentiasa memohon keampunan dari Allah dan pembebasan dari azab api neraka.
3. Menunaikan kewajipan membayar zakat fitrah untuk diri dan tanggungan kita.
4. Mendidik jiwa agar subur dengan sifat mahmudah (terpuji) dan menghindari dari sifat mazmumah (terkeji).



5. Menyambut kedatangan Aidilfitri dengan penuh kesyukuran dan bersederhana.

Akhir sekali, mimbar Jumaat hari ini ingin menyeru para jamaah dan seluruh umat Islam agar setiap ibadah yang kita lakukan sepanjang Ramadan ini kekal berterusan. Kawal lah segala kehendak diri dengan sebaiknya. Seandainya Ramadan ini yang terakhir bagi kita, moga-moga inilah Ramadan terbaik yang diterima, diberkati serta diredhai oleh Allah **سُبْحَانَهُ وَتَعَالَى**.

أَعُوذُ بِاللَّهِ مِنَ الشَّيْطَانِ الرَّجِيمِ

وَمَنْ يَعْمَلْ مِنَ الصَّالِحَاتِ مِنْ ذَكَرٍ أَوْ أُنْثَىٰ وَهُوَ مُؤْمِنٌ فَأُولَٰئِكَ يَدْخُلُونَ الْجَنَّةَ

وَلَا يُظْلَمُونَ نَقِيرًا ﴿١٢٤﴾

Maksudnya: “Dan sesiapa yang mengerjakan amal soleh dari lelaki atau perempuan, sedang dia beriman, maka mereka itu akan masuk syurga dan mereka pula tidak akan dianiayai (atau dikurangkan balasannya) sedikitpun.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَخْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



KHUTBAH KEDUA BULAN APRIL

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحَاشِيهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah



Duli Yang Maha Mulia Seri Paduka Baginda Raja Permaisuri Agong,
Tunku Hajah Azizah Aminah Maimunah Iskandariah Binti Almarhum Al-
Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

